



**Ned ning sēn yulga Wēnd yuurã, n maan
"subhaanallaah" Puusg fãa poorē, pis-tã la a tãabo,
la "Alhamdu lillaah" pis-tã la a tãabo, la "Allaahu
Akbaru" pis-tã la a tãabo, rēnda yaa pis-wae la a
wae, la a pisd koabgã n yeele: "laa ullaaha ulla
Allaahu, wahdahuu, laa šaruka lahuu, lahuulmulku wa
lahulhamdu, wa huwa 'alaa kulli šay-ın kadur ", b
yaafda a zūnuubã, baa t'a sã n yı n yaa wala mogr
puudu**

Yii a Abu Hurayrat nengē (Wēnd yard be a yīnga) ti yii Wēnd Tēn-tuumã nengē, (Wēnd puusg la A tilgr be a yīnga) a yeelame: «Ned ning sēn yulga Wēnd yuurã, n maan "subhaanallaah" Puusg fãa poorē, pis-tã la a tãabo, la "Alhamdu lillaah" pis-tã la a tãabo, la "Allaahu Akbaru" pis-tã la a tãabo, rēnda yaa pis-wae la a wae, la a pisd koabgã n yeele: "laa ullaaha ulla Allaahu, wahdahuu, laa šaruka lahuu, lahuulmulku wa lahuulhamdu, wa huwa 'alaa kulli šay-ın kadur ", b yaafda a zūnuubã, baa t'a sã n yı n yaa wala mogr puudu».

[Naşun Şahuhun (Gom-sikdem sēn manege)] [A Muslim n togs-a]

Nabiyaamã (Wēnd puusg la A tilgr be a yīnga) vēnegame n wilgi, ti ned ning sēn yeela Farilã Puusg sēeb poorē: noor pis-tã la a tãabo: "subhaanallaah" yē me yaa f sēn na n yulg Wēnd n yi boogr fãa. La noor pis-tã la a tãabo: "Alhamdu lillaah" yēnda yaa pēg Wēnd ne sıf-rãmb sēn pidi, n lagem ne A nonglem la A zısgre. La noor pis-tã la a tãabo: "Allaahu Akbaru" yēnda me yaa ti Wēnd n yud bũmbã fãa ne zıblem la bedrem. La sōorã pita koabga ne a sēn na n yeele: "laa ullaaha ullaahu, wahdahuu, laa šaruka lahuu, lahuulmulku wa lahuulhamdu, wa huwa 'alaa kulli šay-ın kadur", la a maanã wã: b sēn tũud a soab sıd-sıd ka be, rēnda Wēnd A Yembre, lagem-n-taag ka be ne-A ye, la Yēnda (A Naam yulgame) n welg ne Naam sēn pidi, la sēn sōmb ne Pēgb la Soesgo, n lagem ne nonglem la Zısgre, n yud zēng sēn ka Yē, la ad Yēnda yaa Tōoda, bũmb ka be n komsd-A ye. Rēnd ned ning sēn yeela woto, b yēesda a zūnuub-rãmbã n yaaf-a baa b yaa wusg wala puud ning sēn zēkd mogrã zugã, a sēn wat n wēed ko-wiig n wukã.

النجاة الخيرية
ALNAJAT CHARITY

